

分宜縣志

歐陽紹祁題



民國二十九年  
庚辰八月石印

分宜縣志卷首

第二屆修志序

鄩縣之圖志何為而作也國有賢守令猶家有賢子孫守令保圖志以治分地子孫保圖志以治分業能治其所存即為賢矣因田野之有定界也而考其有汗萊者乎因戶口之有定數也而考其有流亡者乎因賦役之有定制也考其在公者有湮沒乎在私者有蒸橫乎因士習之有舊俗也考其有可匡直而振德者乎有可濯磨而作新者乎治之而無倦則田野可闢戶口可增賦役可均風化可以日美人材可以日盛矣然則圖志可一日而闕乎分宜有縣起宋雍熙至高渡嘉定間謝令謀作縣志尋復不果淳祐黃尉始克成之渾一以來更六十有七載流義趙侯尚之高尹百廢具舉乃作鈐岡新志以續前編書成適



予叙族至邑南之防里侯以予於是邦實多桑梓之誼以序見屬辭不獲則願以昔人治官如家之責告夫求芻於吾邑者庶知前人作圖志之意非徒以廣紀載備考訂而已將以為勤政之一大助也推本作者之意竊勉述者之事吾邑吾民其多幸矣乎大元翰林學士承旨光祿大夫知制誥兼修國史歐陽玄

撰

乙巳二年

第三屆修志序

分宜舊無縣而何有縣志自宋分宜春據上游而當水陸孔道因制為縣是為分宜則縣始有志在宋紀宋在元紀元迄我國初第又不過紀往跡耳而歷世久遠業已皆化為烏有雖地不改闕所稱文獻者無徵矣余不佞以庚辰之役受命來茲而適當一時殘闕之餘方日夜自維蓋謂風俗淳漓非志不傳人物代謝非志不永乃前者既邈後者莫續有司之過也何敢讓焉於是竊不自料其狂瞽網羅里巷放失舊聞勒為六卷綱六目凡四十有五亦欲以究相沿之故通古今之變顧暗記多遺僅存什一草創罕次未叶篇章六載於茲而功乃竟僅所云史之難無過於志詳哉其言矣若乃修廢舉墜用鑒前車核實稽名期臨后土則余不佞所以上畏國是下懼民非持公正而發憤者也即獲罪於



分宜縣志 卷之十  
衆能家置喙乎昔子雲好事常懷鉛提槧從諸計吏採四方之語以為裨補今雖不敢竊比古人後之君子儻能倣彼遺意嗣我斷簡則是編所載亦鉛槧已夫明萬曆丙戌季秋九日

賜同進士出身文林郎知分宜縣浙鄞周應治撰

#### 第四屆修志序

粵稽三代之世設職方官掌天下地志不必身歷而邦國都鄙山川形勢與夫貢賦物產班班可按籍考也故漢高祖入咸陽蕭侯首取丞相府圖籍藏之誠識天下樞要功為第一則郡縣地志一書所關甚重誠非渺小辛酉秋余奉命來宰分邑甫下車見城郭蒼涼田多青草扼腕久之及詢邑志僉曰明之萬曆丙戌周公修之迄今九十餘年經鼎革兵燹後舊板散失沒傳云余以仕初鞅掌未暇纂輯越次年壬戌適滇黔底定朝廷大一統之盛命儒臣纂修會典廣徵天下郡縣志誠一時盛事余因而喜曰志者記也一邑大事無不從而記之是天下大經大法大名義大公道所自出也其可使之泯泯不修乎爰搜舊志採舊聞延邑之貢士文學就館互相考訂訛者正而遺者補繁者刪而新者續



分宜縣志 卷一  
邑以內山川地勢之勝賦稅戶口之繁風俗人才之盛學校壇場之舊人馬忠  
尊節義之著士馬文學德行之高與夫名宦政蹟題詠詩文靡不分門類聚登  
載無遺自是可為一邑之信史矣遂捐俸選材付之梓人書成釐為十卷以副  
上憲徵考以永其傳是書之集宜僅資一時之檢閱已哉蓋欲後之生於斯者  
覽之知某也忠某也孝某也節義思以景仰之官於斯者覽之知某也循某也  
良某也政教思以景行之士農工賈之居於斯者覽之知某人文行之高某人  
出處之正各思務其業而勵其行以承先哲之聲光於不朽享大平之盛治於  
無窮也是志之關於治化也大爰書以俟後之執筆者  
康熙癸亥臘月文林郎知分宜縣事南海蔡文鸞撰

第五屆修志序

鄱邑之有志所以紀實也周禮小史掌邦國之志今雷封百里實為古諸侯之  
國山川之險要物產之濳毓風俗之貞淫奢儉將使為政者一展卷而瞭如指  
掌立其教不易其俗齊其政不易其宜則志之所關於治具者匪淺鮮也分邑  
舊為宜春之地山高水駛控據上游宋以前見諸載籍如陳重之有聲於漢盧  
肇之表著於唐皆為邑產文物彬彬雅之盛已概見於斯矣邑志自康熙二十二  
年草創一修魯具大觀亦極詳備自癸亥距今又及百載我國家重熙累洽久  
道化歲生蓋日繁科條具舉上之人所以興利除害之道下之人所以沐日浴  
月之功尤不可聽其抱殘守闕規規於前此之簡帙已也琬自嶺徼承乏是邦  
六載之間簿書碌碌惟修學一事幸賴衆力劬勩久肅瞻仰茲邑人士復以志



乘為百年闕典議請修輯余竊喜衆志之交孚而肯用之不患於無所出亟為  
據呈轉詳報可諏吉開局與邑之老成名宿秉公商確總司分理收集衆長博  
採旁搜訂訛糾謬如天文城池田賦陂塘學校選舉之屬雖略為變通而義歸  
簡約惟於山則因枝以尋幹於水則沿流以溯源縷晰條分竊仿禹貢導山與  
導水之遺意至若都邑之設與賦役相表裏或一姓而兼數甲或一甲而兼數  
姓務使畛域分明而後先有期不至於混淆此數者視舊志特詳而體裁亦別  
分門十六列卷二十所謂因事而紀實者庶無乖於徵文考獻之初志矣自秋  
徂冬四閱月而工竣方欲謀諸剞劂而余遽以夙疾告退一簣功虧尚冀後之  
君子益加潤色匡予不逮俾是書之成可以備一邑之掌故信於今而傳於後  
也是則予之厚幸也夫乾隆四十一年丙申歲臘月初縣事吳川林邦琬撰

### 第五屆修志序

分宜自宜春分城後常為壯縣以屬於袁郡其山川之明秀戶口之繁庶人文  
之蒸蔚積而日盛歟其志乘則自國朝康熙癸亥後閱今九十餘年未有起而  
續修之者邑之人無所寄其勸懲官茲土者無所資其考鏡余忝竊郡寄屢以  
是望諸長吏顧促促或未暇也既六載宰是邑者為粵東林君邦琬始以修志  
為請余喜林君之知大體則急為請於憲府而行之未幾余奉檄署饒九南道  
事而林君亦引疾以去余悵然疑前所請修志事將不克終矣及余以乾隆丁  
酉秋還袁陽時代林君者為潮陽黃君謁見後出新志二十卷眎余曰是固林  
君所經始草創而龜勉繼之以底於成者也願得一言以弁諸簡端余受而終  
卷刊訛訂謬視舊志加精而所缺於九十餘年之記載則莫不眉列掌指大之



足以垂法戒小之猶足以裨風教備觀覽焉信乎邑志之善本矣余於是益喜  
黃君之能濟厥美也蓋仕宦之以其官守為傳舍者有矣苟其無關於考課之  
殿最則筭束塵封莫肯發視幸而有通達治體者出其間既已知所當務矣而  
宦轍不常往往事未半而公期已及後來者其視前政之為漠如也如是則雖  
有良法美意求其功之及於民也鮮矣誠使為政者皆不廢輟其前功如農之  
相代以終厥畝其所裨助於治化豈小小哉今新志之作林君不以為不急而  
謀之於始黃君不以為前政而成之於終然後邦典之缺略者一旦犖然具備  
則由是心而推廣之凡聖天子所以化民成俗垂諸今甲者惟視其職所得為  
一不以物我為間吾知黃君他日所以廣其政於郡國行其政於四方者胥自

此一隅之志始也區區職方之體例云爾哉余故樂書之且為長民者勸  
陽進士出身中憲大夫知袁州府事加三級李允性撰

第六屆修志序

今聖朝重熙累洽寰宇享承平之福垂百餘年凡隸版圖戶口日以殷繁人文  
日以炳蔚吏治則大法小廉民風則愿樸秀良慮無不涵濡雅化協應乎鄧隆  
於時輶軒四出所過都邑健羨為美不勝收斯何如之慶幸也歟分宜自宋置  
縣提封雖不甚廣而山水清澈昔人至擬之畫屏麗茲土者鉅細精粗更僕難  
數要於志焉班班可攷矣粵稽舊乘明以前掌故闕如比得嘉靖志遞相祖述  
厥後踵事增新爰有成書由康熙癸亥迄今閱歲九十有奇前宰吳川林君久  
任餘暇銳意修輯此邦碩彥協力以劬勩稿甫脫林君遽以疾去綱奉檄承  
乏既莅事都人士繕本彙函請加校訂授梓予惟識陋才疎無能為役然會逢  
其適聿觀盛曲之成亦竊所忻慕焉披閱再四見其綱目釐然次第井然統門



十六析卷二十炳炳朗朗皆有可觀以斯知其允克信今而傳後也夫令長最號親民職所專司不越政教兩端是書纂列如田賦都邑營建秩官等類足以紀政而若學校若選舉若人物列女諸傳足以垂教二者兼修即古循良之明效大驗其幾有加矣林君之哀斯編也集思廣益不朽之功將於是在網忝附驥尾縱無解於碌碌因人之誦而情殷感事或庶幾與分末光耳後有作者考獻徵文取全帙而揮擢之使鈴陽百里間紀載明備為輶軒之採所不遺是則予之厚望也夫

乾隆四十二年歲在丁酉孟秋之月知縣事澄海黃維綱撰

第七屆修志序

余宦遊北渡黃河歷齊魯燕趙南則之楚之粵之黔之滇足跡半天下見夫山川之秀麗人物之殷繁凡廣輿所紀靡不遊目聘懷以為極天下之大觀矣今歲奉命守宜陽又得見匡廬之奇秀彭蠡之瑰雄始知地靈人傑物華天寶子安滕王閣一序非鋪張揚厲蓋西江之盛茂有加已昔韓退之刺袁州其謝表有云民安吏循閭里無事以今觀之袁之士夫秀而文細民愚而樸涵濡國家深仁厚澤又幾二百年蒸蒸日上豈惟不異於古所云耶郡之支邑有分宜宋雍熙初析宜春之東境為縣前此猶附郭也荆北龔君來權斯邑兢兢然漸至於古循良之治不半載而百廢具舉適奉檄修者志一郡一邑先為編輯龔君於案牘之外兼理鉛槧自夏徂秋甫三月而邑志告成值余于役會垣郵寄請



序余觀其書元元本本上而天文下而地理中而風土人物舉一邑之事巨纖悉備若網之在綱駢之從勒靡史枕經擇言必雅知其平日之蘊釀者深矣余既於其書悉其地之樸淳迺更以知龔君之敏於治而其於操觚也精詳不苟如此將與黼黻呈獻上昌黎慶雲之表於茲基之豈獨邑乘之明備已哉爰綴數言弁諸簡端以為嚆矢云

道光二年歲在壬午季秋之下澣知袁州府事桐鄉鄭心一謹

第七屆修志序

志者史之一體也今自郡縣以迄省志則具全史之體大史天官蘭臺地理作志者罔不權輿於斯而機祥占候寓於天文沿革山川具於地志又因之析類而標名焉若夫志水利即史之河渠也志田賦即史之食貨也志秩官志祥異即史之官氏靈徵也其他為封爵為人物則通乎史之表為名宦為列女為方伎則兼乎史之傳故曰志者史之一體今自郡縣以迄省志則具全史之體者此也我國家文教誕敷遠洽域堦雍正九年奉旨飭修省志一時郡縣之志自康熙癸亥及乾隆丁酉兩次重修迄今又五十年矣歲久版多漫滅魯魚亥豕之訛校書者如掃敗葉加以田賦選舉人物藝文諸類多所增益倘不及時纂修久而就湮是亦官斯土者之咎也歲之季春予承乏斯邑適奉檄修省府縣



志因與學博王惺府梅閣齋兩先生及邑中諸文士網羅放軼舊聞互相考訂  
訛者正而遺者補繁者刪而新者增操觚者雖盛暑不輟三閱月而告成自是  
觀乎天文而列宿煥於上觀乎人文而同風驗於下俾生於斯者睹人物之忠  
孝節義思有以仰其前徵官於斯者知名宦之慈惠循良思有以繼其芳躅亦  
考鑑得失之林豈徒備參稽而已哉夫史所以昭垂百世而志所以備一代之  
文物典章事增文省則如宋子京之唐書鬱而不明累牘連篇又如裴松之之  
補注繁而鮮當江淹言修史之難莫難於志意在斯乎意在斯乎茲聊因書成  
而為之序云道光二年歲次壬午重九日知縣事荆北龔笙撰

第八屆修志序

嘗讀周禮地官有外史氏掌四方之志凡邦國之紀載皆得獻於王以備史官  
之採擇上以昭宵旰之勤勞廟堂之功德下以覘民情之淳漓風土之異同所  
係甚重也後世志書之修蓋昉於此分邑縣志入國朝凡三修康熙癸亥乾隆  
丁酉及道光壬午是也壬午距今止二十六載歷年未久故實無多戊申仲秋  
撫憲擬修省志檄飭各縣先為編輯並頒章程格式前署令李君和軒遵奉設  
局迺誕中耆儒名彥慎襄厥事稿甫脫李君旋移治彭澤是年冬余捧檄斯邦  
莅任後局中首事繕本彙函請加校訂梓余自愧識陋才疎不能展三長以  
効一得但幸會逢其適竊為忻慕者久之繼閱再四綱舉目張首之以輿圖次  
之以星躔疆域次之以學校田賦次之以兵衛關津次之以名宦人物又次之



以節烈藝文雜記區為三十二卷闕者補之訛者正之續增者釐定之元元本  
本炳炳麟麟信乎邑志之善本矣是舉也大則足以垂法戒小亦足以裨風教  
法良意美固不兼綜誠可以資省志之選錄答撫憲之徵求矣行見聖治光華  
用昭緯地經天之畧典章明備實寓省方問俗之恩不且與周禮地官外史氏  
並重乎哉余碌碌備員幸竣厥事附名簡末榮被餘光謹綴數語以誌不朽云  
道光二十九年歲次己酉仲夏月吉日知縣高夢麟謹撰

第九屆修志序

邑之有志猶國之有史也其疆域之廣狹戶口之多寡物產之饒瘠風俗之異  
同皆非志不傳而且先正曲型名山著作作紀之可為後學津梁興文教而振綱  
常於是乎在粵稽周禮地官有外史氏掌四方之志橐而獻諸王廷以備史官  
採輯良法美意自古為昭然則縣志之修所關詎淺鮮哉分邑舊為宜春之地  
山川清淑代毓英奇於漢則有陳重於唐則有盧肇文物彬彬已可概見自宋  
置邑以後至南渡嘉定間邑令謝君謀作縣志不果嗣後黃尉乃成之續是編  
者復有鈐岡新志則元代趙君所纂也明萬歷間周君踵事增新重加考訂我  
朝車書一統文教誕敷屢奉綸音飭修者志故此間之志已於康熙癸亥乾隆  
丁酉及道光己酉迭次重修顧自今計之又閱念餘年矣歲久版多散佚加以



職官選舉人物藝文諸類多所增益倘不及時纂修勢必久而就湮其何以信  
今而傳後耶同治庚午春撫憲劉檄飭各縣重修志來前宰李君直齋詠吉開  
局延邑中名儒碩彥秉公商確共襄其事未幾李君因公調省余捧檄來茲局  
中諸君子繕本請校因接而誦之見其分門別類悉遵撫憲頒定新章統之以  
十卷內分五十四條朗若列眉瞭如指掌且喜其紀事從實不尚虛浮從茲致  
獻徵文毫無疑竇可副聖朝輶軒之採不且與歷代之良史並稱乎哉余自愧  
才識迂疏難効芻蕘之一得而情殷歲事快觀其成叨被餘光曷勝榮幸謹綴  
數語弁諸簡端以志忻忻之意云

同治十年歲次辛未仲春月吉日知縣事楚黃夏琮鼎謹撰

第十屆修志序

志者何志事之書也晉之乘楚之檮杌魯之春秋皆為志事之書考之周禮掌  
邦國之志者為記載地方之分野疆域險要古蹟人物土產文化風俗等事是  
也有縣志郡志一省之通志全國之統一志其間有興廢沿革損益之異同國  
志元於省志省志元於郡志要以縣志為起點此舊例也鼎革以還尚無志書  
民國二十三年鄙人承乏分篆奉省府有提倡志書之議令飭各縣徵集文獻  
委員會為纂修邑乘張本初哉始基其省志之權輿乎其盛事也於是本管窺  
蠡測之見山之阿抄巖採幹水之渙披沙揀金一時碩彥通儒英雋耆宿羣起  
而勦勦厥事月夕星晨焚膏繼晷網羅散軼校勘魯魚網舉目張條分縷晰考  
焉其加詳燦然其有第屈指始事之日已寒暑兩更矣斟酌前賢之體例變通



因革而成編稽自序圖以迄雜組為卷凡十有六方之王廔相之冊府元龜李  
明遠之太平御覽不但敘述遜其富贍即抄括亦無此精詳也僕也三載尸位  
五夜敲磚既漸有勇之仲由復愧足民之冉有倏焉移治高邑未能與諸大君  
子始終其事撫衷內叩負疚滋多茲欣大功告成辱以弁言見屬竊惟枵腹難  
作引惶幸附驥尾之名聊著佛頭之冀謹序

首

中華民國二十有七年孟夏之月縣長蕭家修撰

第十屆修志序

司掌邦志成周專設職方漢高入關鄧侯先收圖籍故對於地方一切政教欲  
因革損益咸得其宜必有藉於地方志籍之完密周詳用資借鑑彰彰明甚此  
地方志事之綦重平時然戰時亦然如原濫竿縣篆已逾十年由興國而吉水  
而興國而瑞金自維及早告休第以整個國家民族之存亡正呼吸間抗戰一  
環未敢例外乃於去夏捧檄忝篆是邦時值抗戰緊張軍書旁午倭寇連陷安  
義靖安奉新高安本縣已瀕臨抗戰前線列入野戰區域故於日常政務外如  
軍輜之輸送傷兵之轉運戰時任務隊之組訓以及破路國防等工作征工督  
率日無暇晷邑人士復告以本縣縣志繇時艱費絀中輟兩載稿雖付印強半  
刻已無法完成等語余期期以為不可蓋行百里者半九十詎能蹈此覆轍詎



能因戰時而功虧一篑夫分宜自宋析宜春置邑以還山有鈴岡之奇川有秀水之勝人材輩出蔚為文獻名邦代有偉人人有偉業如黃忠愨嚴方伯歐陽博士宋傳臚彭編修李都堂黃中丞張尚書鍾天官嚴侍御歐陽總督其人德言功有可不朽者多指不勝屈播為風氣即民間之忠孝節義可歌可泣者更僕難數焉可不續志以表彰且全縣之民情風俗山川名勝土地物產文化社會政治經濟其特性其沿革其演進更焉可不續志以記載遂決於軍事倥偬之秋注重文獻於艱難拮据之日兼籌經費仍延請總纂修歐陽棟香先生副纂修黃俞賡先生主持厥事以竟全功一切內容尤以嚴謹二字互勉今十修縣志距九修清同治時近七十年矣始事於民國二十六年八月蕭前任內中因費艱輟止至本年三月繼續工作賴主其事者於敵機日常威脅之餘能不避艱險殫精竭慮焚膏繼晷並督率志局職員共同努力卒以抗戰正殷之時竟此縣志未完之功揆與中央國策一面抗戰一面建國之旨正相符合如適其會不勝欣幸爰書巔末以為之序

中華民國二十九年夏月署分宜縣長謝壽如謹撰



第十屆修志弁言

邑志自宋嘉定謝令焄始、淳祐黃尉繼成、至清同治辛未、已修九次、由同治迄今、近七十載矣、父老鑒於國體改革、民主共和、一邑之官師政教、人物戶口、賦稅營建、土宜風俗、時移事異、其間治亂得失、盛衰興廢、非及時削簡以記之、深慮老成凋謝、文獻無徵、檔案不存、傳聞失實、於民國二十六年丁丑、提出行政會議、決定續修、僉以余曾于役江西通志局、許為識途老馬、維時適奉內政部頒下修志事例、蕭縣長家修、遂延余與黃君秉鈺、承其乏、分修則林金鼈、歐陽曾蔭、黃桂芬、宋步衢、協編則嚴曰榆、彭富年、歐陽萬里、彭式辰、采訪繕寫、校對則歐陽誕昌、鳴鳳、孫家振、林繼照、黃明德、李茂松、宋步郊、張紹玉、鍾潤芝、黃瑞龍、各盡所能、分司其事、余維才拙學陋、一再堅辭、迺承邑人士、馳書敦促、不得



已濫等充數初定凡例十六條徵求各方同意次諮諏耆舊搜羅掌故稽攷案牘取舊志之當因者因之當革者革之新增教育實業黨務宗教數大端為綱十有六為目百十有六賴父老之督責同仁之贊助經六閱月而脫稿稿既成值抗戰軍興餉精孔急印刷經費點金之術牧民者又坐視輟工一年餘不予援助延至二十九年庚辰謝縣長壽如引為己責略籌經費繼續印刷蟾圓六度即告成功採訪不週由於缺也鐫刊不精艱於費也編輯不雅迫於時也十餘年來赤匪作亂於前日寇稱兵於後吾同胞奔走流離喘息不遑士輟絃誦農呼庚癸工停操作商滯懋遷尚何暇咬文嚼字環顧四鄉問田野盡闢乎未也問戶口漸增乎未也問教育能發展乎實業曾振興乎莽有伏戎鄉邨得安居樂業乎地遭兵燹蚩氓能含哺鼓腹乎均未也丁此時艱而言修志難乎其

亦近名詞  
應誌示於  
中央

難然而難者易之母也亂者治之基也不經列國何有春秋不下蠶室何來史記邑人士咸謂時不可失歲不我與倘不及時續修異日之難必難於今日之難也無疑遂慙慙而付剞劂余適逢其會差幸歲事知我罪我在所不計姑述此次續修歲月之經過以告後之來者

民國二十九年庚辰孟秋月中浣清季進士總纂修邑人歐陽紹祁敬撰



凡例

一分宜自宋雍熙二年建邑以後，初修縣志者有宋嘉定間謝令淳祐間黃處  
 當時並無志序流傳，是為第一屆繼之者元代趙侯恩順名曰鈐罔新志，歐  
 陽圭齋先生曾為之序，是為第二屆第三次則明萬歷間周令應治修之第  
 四次則清康熙癸亥蔡令文鸞修之第五次修者為乾隆丙申林令邦珖第  
 六次修者為乾隆丁酉黃令維綱至道光壬午龔令笙修第七次道光己酉  
 高令夢麟修第八次同治辛未夏令琮鼎修第九次自同治辛未迄今庚辰  
 又七十年矣茲屆重修合稱為第十次飲水思源保存原序既不沒前人勞  
 績亦可供後人參攷至於登載修志職員姓名亦仿通志例也

二以前九修志書都在君主時代雖綱舉目張有條不紊但典章制度多帶封



建色彩今則憲立民主政尚共和自應當因則因當革則革其不合時代者  
 刪之如漕運驛站關權雜課園丘漏澤等是也其為舊志所無者增之如區  
 域保甲自治教育社會堡壘鐵路實業宗教黨務等是也其因廟諱而改名  
 因尊君而擡頭者則重行校正故為綱十有六為目百有十六由略而詳由  
 簡而繁由無而有可信者據事直書可疑者寧缺毋濫尊史例之森嚴為本  
 志之宗旨

三地縣志書有因國體改革修至遜清末年告一段落者入民國則用記事體  
 裁不分門類連篇累牘泛濫無稽本志不從此例攷之歷史皆從歷代蟬聯  
 而下斷無劃代下筆各為風氣之理故本志仍照原志編輯舊志所無者或  
 註新增字樣於劃分新舊之中仍寓一貫相承之意其有意義不明者則加

按語以資解釋而已非筆法也

四繪圖製表原為內政部頒發之修志事例所規定分宜財力薄弱未能採用  
 照片亦當用測量新法力求精確美觀首全縣形勢圖次縣城圖次區域圖  
 次建築圖次名勝古蹟圖其他保甲戶口氏族水利橋亭碉堡寺觀職官甲  
 科耆壽列女則列表分別挿入便於瀏覽

五土地為立縣之要素故以地理居第二舊志地理門中有風俗有星野而無  
 氣候是天文人文歸納在地理等於科學課本實與史體不符本志則將風  
 俗另闢一門而以交通物產墜墓古蹟附入地理門其他建築物則歸建置  
 門內各從其類以清眉目

六舊志戶口歸食貨門內都畝歸田賦目內而於人口之增減記載簡略自清

星野之說  
 無存在之  
 理

此代史何者  
 其理論也  
 論史則此



康熙廿令國墾均苗後人口遷移散漫難稽本志則專列戶口一門附之以保甲人口村莊氏族其原有都圖專為入籍納賦而設仍舊保留

七食貨二字源於洪範關係國計民生計畝征稅雖屬正供但陵谷變遷田去糧存而政府籌款動輒從田賦增加附稅比正供幾一倍有餘加之水旱兵匪四災故賦重民困比戶追逋民不聊生舊志於清汰浮糧一案詳悉備載無非為民生着想本志遵照民生主義於田賦正附稅食鹽菸酒屠宰營業所得之利於國者於倉儲蠲緩賑濟合作之利於民者無不詳載法令而於縣有公產之在本縣及外地者尤當採入以垂久遠將來飛機測量變更征稅制度或從地價或從收益俟異日重修縣志時登載本志暫不負其責也

八教育建設均判地方文野科舉時代修於家獻於廷故貧士亦有求學機會

自科舉廢學校興求學者非有貲財不可貧家子弟之優秀者屈抑不少本縣地瘠民貧故文化稍覺退後學校教育既不多觀社會教育尚在萌芽舊志所列學校門僅記學制學田學宮及學子名額惟書院課士稍含有教育意義本志改為教育一門凡屬小中太學專科師範職業及音樂戲劇演講運動競賽圖書館閱報社等教育無不採入畢業則登載專科以上懸最高準的以鼓勵青年必有一躍而起直入彀中者至於公家建築以前尚稱完備自赤匪擾亂後或拆或燬存者無幾然形迹雖改基址猶存有依舊而改新者如縣政府忠烈祠衛生院經征處及以考棚為學校以舊縣署捕廳監獄為公園等是有昔無而今有者如碉堡公路鐵道電話區署菜市場等是或謂土木工程不過是建設中一部份自當以心理文化政治社會農村經濟



之五種建設為重要然此種偉大事業應先由政府負提倡責任方有成效  
本志所採建置專指本縣之營繕而言故不必好高務遠徒驚虛名

九歷代選舉志實則是科舉事實無所謂鄉舉里選也故舊志自進士舉人五  
貢而外加以薦辟封廕褒揚仕籍異廩增附貢取其有作官初步資格亦間  
採入兩學舉行鄉飲禮正賓介賓當初尚延請年耆之文人後漸有市僧士  
豪混入舊志照例登載未免失之於濫被閱前志本縣歷代有數人物莫不  
由科舉出身如黃忠愨公子澄嚴方伯孟衡歐陽博士貞宋傳臚希堯彭編  
修鳳李都堂香黃中丞希憲張尚書承詔鍾天官灼嚴侍御開祖歐陽總督  
瑾林太令有庠楊太守曰鯤無不可為後人模範即如嚴少師嵩之學問所  
著鈴山堂集至今猶膾炙人口本志尚友先哲規定清季以前為數千年科

舉結束時期仍依舊志登載舉貢進士惟納粟捐職單功虛銜不在此例概  
從割愛民元以後新增議會選舉畢業仕籍各途歸納於選舉一門議會則  
登縣議會以上畢業則登高級中學以上仕籍則以文官自薦任以上武官  
自校官以上及其他職官與薦任相等者懸重賞以待勇夫未有不爭自奮  
起者即本志仍留選舉一門之意也

十深山大澤始生龍蛇十室之邑必有忠信分宜屬贛西巖疆鈴岡聳拔於南  
儂臺屏障於東袁嶺七峰自北蜿蜒而來秀江百里自西紆迴而至鍾靈毓  
秀代產賢哲士生其間上者如理學名臣宦績儒林文苑聞世一出則驚  
人其次則忠義孝友節烈善士技術耆老所在皆有本志負徵文訪獻之責  
旬當擇尤激揚不敢任其湮沒其人物中之應予立傳者定有八款一自一



命以上著有功績或氣節者(任官忠義)二有功德善舉於鄉者(善士)三有至性獨行者(孝友忠烈)四負學術道義之望者(儒林)五有文學足稱者(文苑)六致力革命功在民國者(革命功烈)七精通一技以上有新發明者(技術)八厲賢游人方外除必要立傳者外餘均立表至於節婦一類照民國法律本無旌表明文然為維持人倫風化起見似亦應加獎勵茲規定婦女年在三十歲以內失偶者為節婦生者以守節二十年為限死者以守節十年為限耆者不分男女普通以年滿九十歲為限例外則有功名學識事業可法可傳者年滿八十歲亦當採入以資矜式

十一文武職官舊志為官勢所迫不論善惡大小悉載儼然一種官吏題名錄其真有助德於民者反為魚目所混本志主張公道自民國初元起祇載一縣長官由省府委任而來者其他由軍人暫委代理短期闕者或由團體少數人中推出一人維持縣政似官非官概不採入或僅採其機關職務如司法等職設有善政在民謳歌載道本志當特別評獎以昭激勸

十二分宜處吳楚交會之衝兵差之繁輓輸之苦最爾小邑往往與各縣負同等責任而且與宜春安福吉安新喻上高萬載為鄰六縣一有匪警分宜則先受其害前清設立城守營汛老弱殘兵僅供迎送差遣民國裁撤綠營則武備一門有其名無其實後改為警察局保衛團靖衛團保安隊義勇隊種種名目實則換湯而不換藥餉糈由田賦附加槍械由民衆捐助駐守城內尚難保障何暇出城游擊以致民國十七年吉安之赤匪侵入南鄉組織縣鄉村蘇維埃偽政府鄉民無力抵抗聽其宰割縣政府自救不暇蕭林二縣



長先後殉難，匪陷八年之久，鄉民呼天莫應，逃生無路，其中苦况，略載於大事記內。此則專述以前兵制及新增團隊警察壯丁訓練征兵制度，而以國術為之殿，所以重武功而講自衛也。

十三國民經濟源於實業，分宜為農業縣份，以土地面積與人口比較，當然有米穀出口，自赤匪蹂躪後，南鄉之田荒蕪一半，米產日減，農學廣墜，工停操，作商滯懣，遷政府舉行借貸合作，擇種施肥，造林畜牧，意良法美，可惜災後不遺，不能改造環境，打開生路，以言農工商，本無可記載之價值，然往不可諫，來猶可追，本志從新聞實業一門，姑就農工商之組織動作及其所奉法令所衛使命，略為記載，亦不外想貫澈民生主義而已。

十四藝文為文學家心血之結晶，長留精神於天壤，太之如秦疏策論，小之如詩歌詞賦，均與世道人心有關，所謂文人一管筆勝於武人一枝槍，即此意也。舊志分經史子集，倣照四庫全書之例，無論是邑人非邑人，凡與本邑有關係之文字，無不搜葺，排比留供後人知人論世之遠近，新志因之六十年來，未出版之著作，已流傳之刊物，當亦不少，尚有殘碑斷碣，埋沒於古剝荒衙間者，尤當竭力搜尋，為金石發放異彩，即不啻為學者導作先河。

十五黨務在領導國民宗教，在感化國民，二者殊途同歸，分宜國民黨員雖少，但工作亦有成績，民國十六年有共產黨混入其中，麻醉青年，煽惑農工，燒殺淫掠，以致平民對於黨義將信將疑，視為無足輕重，至於宗教二字，亦為舊志所無，舊志載仙釋一門，間及道教實因以前祇有僧尼道士，至遜清末

以黨務宗教  
相提並論大  
不可

葉始有天主教傳入，耶穌教繼之，邑人素來崇拜鬼神，技對於基督教不發



分宜縣志 卷之六  
生信仰其他回教理教更無一人問津本志特將黨務宗教合為一門又將  
仙釋歸入一則垂建國之圭臬一則彰文化之模範其精神與力量實堪令  
吾人欽佩也

十六上溯春秋重在紀事次攷史遷亦有列傳其意義不外明政治之得失載  
地方之治亂故以兵匪為經以災難為緯舊志兵匪則詳於武備門災難則  
記於祥異本志特將兵匪水旱病疫專闢大事記一門以備國史採擇另將  
祥異軼事歸入雜組門以作本志結束惟時值改革迭經變亂老成凋謝檔  
案散失革命以前世外桃源之分宜徵文訪獻固可按籍而稽匪擾而後滿  
地荆棘之分宜時過境遷每易數典而忘丁此時艱新陳代謝以言修纂談  
何容易然而劫後遺老碩果猶存野史稗官殘篇具在事求徵實或偶得諸

鄉氓辭貴削浮聞或摘於冊籍經父老之旁徵曲引賴同仁之補闕拾遺匆  
促彙稿未加潤飾拉雜成書便付剞劂見聞有限疎漏必多後有作者尚其  
匡我不逮

按志例凡屬生人不予立傳免標榜避嫌疑泯顧忌也前清同治辛未纂  
修縣志諸先輩如易炳晃彭啟昆嚴升偉黃洵吳大魁黃蘊春諸先生其  
道德學識品行政績未予立傳者皆係生人之故非敢緩也將有待也本  
屆修志代為立傳聊盡後學之責後之視今亦猶今之視昔異日修志當  
必有仰體斯意而盡其責任者謂予不信曷拭目以俟之

歐陽紹祁謹識



目錄

卷一序圖

原序  
區域圖

新序  
名勝圖

凡例  
古蹟圖

縣境圖

卷二地理

星野  
山川  
電話  
瑩墓

氣候  
水利  
物產  
沿革

疆域  
交通  
古蹟

卷三戶口

都邑  
人口

自治  
保甲  
戶口

氏族

卷四食貨

田賦  
食鹽  
所得

屯租  
菸酒  
蠲緩

倉儲  
屠宰  
賑濟

附稅  
營業  
合作

卷五教育

學宮  
公產  
學校

學制  
各級學校  
保學  
附社

學田  
社會  
音樂  
戲劇

書院  
說書  
演講  
運動  
競賽



卷六建置

圖書社  
閱報社  
城池  
橋梁  
會館

壇廟

津渡

公廨

寺觀

卷七選舉

薦辟  
褒揚  
仕籍

進士

鄉舉

封廕

卷八人物

名臣  
儒林  
壽母  
厲賢

宦績

忠義

孝友

卷九藝文

經部  
別部  
文徵  
詩徵

文苑

善士

耆老

列女

才貞

節烈

子部

留題

卷十職官

名宦

文職

武職

司法監獄附

卷十一武備

兵制  
徵兵

團隊

警察

壯丁訓練

卷十二黨教

國民黨  
理教

佛教  
仙釋  
附道教

基督教

卷十三實業

農會  
工會  
家庭工業  
手工業  
販銷  
墟市  
附運輸

種植  
造林  
換種  
施肥  
肥料

畜牧

商會  
同業  
工會  
附

卷十四風俗

壽誕  
語言  
生活

冠婚  
交際  
習慣

醮賽  
衛生

喪祭  
娛樂

卷十五大事記

黨教二字古  
不成名詞


知宜縣志  
卷六

目錄



卷十六雜組 祥異

軼事



分宜縣志

分宜縣志







# 全境圖

民國二十九年五月  
分宜縣志局製  
志成石  
印局印



例圖

|   |   |   |   |   |   |   |   |   |    |   |
|---|---|---|---|---|---|---|---|---|----|---|
| 區 | 公 | 鐵 | 河 | 山 | 鄉 | 區 | 縣 | 村 | 鄉  | 區 |
| 鄉 | 路 | 道 | 流 | 界 | 界 | 界 | 界 | 莊 | 公所 | 署 |
| 區 | 鄉 | 道 | 流 | 山 | 界 | 界 | 界 | 莊 | 公所 | 署 |
| 區 | 鄉 | 道 | 流 | 山 | 界 | 界 | 界 | 莊 | 公所 | 署 |





圖說

分宜自宋雍熙二年劃宜春十鄉而成一邑仍隸袁州故取邑名曰分宜與宋時修水之自武寧分出而名分寧者同例建縣以後百務待舉凡屬四境與隣縣交界之地名未暇悉載僅於邑乘之山脈水流中間或揭出但無整個之說明遇有鄰縣紛爭苦無依據相持不決者比比然近奉內政部頒布志例確定疆界遵由縣政府派員會同鄰縣當地士紳實地踏勘以山峯水流岩石蹊徑寺廟橋亭大路田塍土岸田賦租稅及一切不可移動之物定為縣界新繪縣圖係從陸軍測量圖摹出比舊志所刊之輿地圖較為詳明惜為篇幅所限未能將四境邊界之零星地名逐一註於圖內茲特附四境邊界圖說於縣圖之後以補充之俾邑人有所攷據云爾



一區邊界

一區 由縣治東二十里至界首石礮溪水為界溪東岸歸新喻西歸分宜由界首過北山廟嶺至許頭水牛棚下與新喻所管袁家渡毗連向來以銀杏樹為界東歸新喻西歸分宜由水牛棚左首跑馬山與新喻九古山相連以大路為界東歸新喻西歸分宜由水牛棚下至獅形屋背高龍袁家峯為界北歸新喻南歸分宜由許頭大龍坑金頂上騎龍分水為界北歸新喻南歸分宜由許頭折而北分宜羅家山與新喻泥水坑連界分宜茶波榨下下錯棚大墩坪等處與新喻湖樓西邊連界分宜石墩紅土坡胡家龍里與新喻霞坪鵠山連界分宜荆林南家坊蓮花塘窰背上等處與新喻奉山里蕭家山銀山凹連界分宜石壁里桂山凹上山背與新喻石灰窰前

凌背仙坑連界以上各界均是東歸新喻西歸分宜以仙坑之江水流西歸分宜流東歸新喻新喻之銀山凹離分宜約二里中有界石為憑往來行人一見而知分界之處又分宜所管蓮花塘至桐樹下屋背與新喻上沂隔界水東新喻水西分宜以上係分宜第一區東方邊界

由縣治西三十五里至合山古來有一牌坊名曰五里牌係宜春分宜分界之處民國二十一年因匪拆建碉堡牌坊雖廢外有小江江東歸分宜江西歸宜春自江至袁河以北分宜有高家村盧垸陳家里與宜春濛江里郭家里連界自江至南有上下角源矮樓下田漏里宋家嶺下沙坑與宜春連界以上係一區西方邊界

二區邊界



二區 由洋江鄉之湖頭洋潭等村與宜春縣之石灰塘下村相連以大嶺楓樹地等處為界洲背姜坑棚及干坑棚等地與宜春縣之南岸村相連以下窄小橋等處為界幕下村與宜春縣之鍋爐下相連以附近小橋為界方塘村與宜春縣之三田村相連以落坑口新坑棚及馬塘山峯等處為界留田村與宜春縣之官山下傍嶺等處相連以該山倒水宜地及該嶺門前橫路為界冷龍下村與宜春縣之下嶺王茅等村相連以該嶺茶山倒水及該村馬鑄山倒水為界權陂台上姜坑等村與宜春縣之雙江口菊家里等村相連以向棚台仔嶺高嶺等處為界又楊礪鄉之宋家里羅塘等村與宜春縣之雙江口村相連以棗樹處為界下坊村與宜春縣之中家坊相連以小木田為界項洞里與宜春縣之上店村相連以石牛地為界西田上坊等村與

宜春縣之南村相連以小玉嶺為界黃家里宅坑等村與宜春縣之泗江上村相連以短陂為界廟上村與宜春縣之搔下青山嶺下等處相連以該處茶山為界建陂村與宜春縣之下湖村相連以鐵欄山為界泉坵村與宜春縣之下湖故塘尾等村相連以麻衣廟暨布塘等處為界以上係分宜第二區邊界

三區邊界

三區 由分宜縣治東門出城正南至防里對門之紫雲峯以山頂分水為界水流南歸安福水流北歸分宜山頂北向有紫雲仙境古廟係分宜防里各村所建防里東南與安福青山下赤谷相隣以紫雲峯東出鵝公脚下廢石陂石陂以上分宜管理石陂以下安福管理過江斜至界牌為界界牌大路



之下上為新江龍屬分宜下為院下龍屬安福即由防里至赤谷之大路分田納安又由界牌歐陽汶墓東上瓦坑高家屋背與赤谷後舍相連以赤谷後龍高峯分水為界水流南歸安福水流北歸分宜由赤谷後龍沿至大花坳仔上大花與官田相連以大花水口為界由大花屋背驚嶺寺沿山至長坪坳與安福黃屯村相連以長坪分水坵為界由分水坵上山過寄柴坳古鑼潭入上施與安福無村落之山相連以高山頂分水為界由上施過大坑花坑緣家龍與安福大源相連以高山頂分水為界由緣家龍沿至迎塘嶺與吉安無村落之山相連以迎塘嶺分水為界水流東南歸吉安水流西北歸分宜由迎塘嶺至峽石與吉安新喻相連以楓樹坳之圩堤上楓樹各管一半為界又由黃茅破嶺上騎龍分水至塘坑口上波基腳下有白石為界

致該處山脈由九龍山而來為全山之冠故名曰高峯自高峯半壁直下東歸新喻西歸分宜南歸吉安三縣均於此分界又由畬溪土名塘至船形上蕭家嶺高峯分水為界其嶺高約十餘丈水流南歸吉安水流北歸分宜兩縣相接之處有長隴山坳上一小坵阜為界由蕭嶺至東坑村東界新喻以降龍坳為界又以巖坳分水為界水流東歸新喻水流西歸分宜坳下陂口有棉花土新分各管一半南隣吉安以高嶺為界有觀前村官陂芒陂二所係屬分宜界內又環塘即反北與新喻之王田相連以分水坳至十字埭上騎龍分水為界水流南歸分宜水流北歸新喻又易溪土名易東與新喻江南相連以分水坳為界東北與新喻以結龍橋及小坑嘴上為界北界新喻以白茅嶺九子原坳上為界又由幕塘麻山白沙埭坳上狹脛坳上槎原坳



上塘尾巴田家原蘿卜坑芋頭坑至福緣菴許頭車江橋以車江橋為分新  
兩縣交界上列麻公白沙坡坳上至許頭十處均係分宜管轄以上係三區  
東南邊界

防里西南與安福無村落之山相連由紫雲峯西出桐木三台星至水嶺坳  
以騎龍分水為界水流西南屬安福水流東北屬分宜由水嶺坳至  
天翼山小龍荷花灘與安福無村落之山相連以最高山嶺分水為界由天  
翼山至里龍與安福之丁村花邊旱源相連以里龍迤南之高峯分水為界  
界內有黃老臺即黃大古臺古廟為分宜所建由里龍至泗母年株蕉坑與安福  
之官山大智相連由蕉坑至天香台黃路坪坳仔上與安福之天井西隴相  
連均以高山頂騎龍分水為界水流西南歸安福水流東北歸分宜由坳仔

上向西北至大岡山界內有古仰嶺寺為分宜所建轉銅嶺天子地為本邑西南最高屏障  
與宜春交界由天子地上達棲霞與宜春之蛟湖嶺相連以鄰官坳胡仙洞  
為界胡仙洞古菴為分宜分兩縣共管由棲霞至大龍下源頭年塘小嶺與宜春之輝坑相連  
以五嶺坳上為界坳水流東歸分宜坳水流西歸宜春以上係三區西南邊  
界

#### 四區邊界

四區 由抄場鄉之文蔚塘西等村與宜春縣之故塘尾砂江廟背等村相連  
以榨下松山老祿窰棚齋仔土山等處為界小龍嚴家等村與宜春縣之上  
沙江下梅等村相連以嶺背倒水為界沙塘巷帶等村與宜春縣之下梅昌  
家等村相連以罷家嶺沙老墩長夾橋等處為界桃樹坑村與上高縣之仇



湖村相連以小嶺背為界桂村與上高縣之箬坑東陂視頭等村相連以袁  
州嶺下楓樹凹背一帶為界清水塘汚泥塘公田棚等處與上高縣之田南  
山陂濫江等村相連以窰下嶺背原野為界井塘龍窩官塘等村與上高縣  
之介山村相連以該嶺水走北下原地為界黃奎鄉之山泗烏獅等村與上  
高縣之上攬廣平下湖境等村相連以米獅泉山脚水倒北下一帶原地為  
界蘭盤焦坑等村與上高縣之嶺溪上梅等村相連以該坑水走北下平原  
及該嶺下水倒東北坡地為界西坑謝家坵等村與上高縣之上馬湖村相  
連以坵水走東原田為界洞村道貢墩等處與上高縣之上曹胡姓下馬湖  
新山里等村相連以曾家張家大老背及墩中標段諸地為界南村滄溪樓  
下江邊江下等村與新喻縣之街里西存何家山口李家塘梅裏相連以下  
坑里及新塘里一帶為界早木山村與新喻縣之白米村相連以小坑墩背  
矮山一帶為界毛竹村與新喻縣之石陂口相連以石甕里東邊為界麻田  
村與新喻縣之柘棚下相連以叉路口東邊為界勘部上村與新喻縣之昌  
坊村相連以硫磺陂下為界坪海村與新喻縣之新棚相連以棚西小畝墩  
為界以上係分宜第四區邊界



輿

輿

圖








縣

城


圖

分宜縣志  
卷首




縣城圖









縣署圖









學

宮

圖

大學

卷首



學宮圖

七

大學

六






分宜縣志





考棚圖




分宜縣志  
卷之  
考棚圖  
乙












黃齋靜公祠圖











欽陽齋院圖


欽陽齋院圖









龍標書院圖




分宜縣志  
卷首

繪圖









書院  
 精舍  
 精舍

精舍  
 精舍  
 圖








鈴

山

圖







鈴山

第一門

安仁驛

清源古渡



仙台

關聖廟

萬年橋



昌  
峽  
圖





關帝廟後墻

書公祠後墻

橋局後墻


香輝橋

東江鎮

東江鎮



鍾  
峽  
圖



分宜縣志  
卷之二

鍾峽圖







洪易晉洞

洪陽洞圖



式

洞





式

洞





# 卯洞





# 五 洞





東  
卯  
洞





東  
七  
洞

洪陽洞圖





# 東 八 洞





東  
九  
洞

洪陽洞圖



石簾

題詩石




東  
十  
洞



通天窟



西卯洞







西  
七  
洞



西  
八  
洞

洪陽洞圖



分宜縣志

卷之

三



# 西九洞





西  
十  
洞







西  
十  
丈  
洞



西十式洞





桃花源圖



分宜縣志  
卷之六

桃花源圖







蔣星觀圖





